



09 JUN, 2022

Penang Fama Fest 2022 sasar jualan RM500,000

Kosmo, Malaysia

Page 1 of 2



MOHAMAD MUSTAHAPA (tengah) menunjukkan replika promosi Penang FAMA Fest 2022 di Pejabat FAMA Pulau Pinang semalam.

Penang Fama Fest 2022 sasar jualan RM500,000

SEBERANG PERAI – Lembaga Pemasaran Pertanian Persekutuan (FAMA) menyasarkan nilai jualan sehingga RM500,000 untuk program Fiesta Makanan, Bunga dan Buah (FAMA Fest) 2022 yang akan berlangsung lima hari bermula 22 Jun ini.

Timbalan Ketua Pengarah FAMA, Datuk Mohamad Mustahapa Awang berkata, pada masa sama pihaknya yakin karnival yang akan dilangsungkan di tapak parkir pasar raya Lotus's Seberang Jaya itu mampu menarik kehadiran sehingga 50,000 pengunjung.

"Penang FAMA Fest 2022 ini merupakan lanjutan program Penang FAMA Fest yang diadakan pada 2018 dan 2019, namun tidak dapat dilaksanakan pada

2020 dan 2021 susulan pandemik Covid-19.

"Justeru, usaha untuk memulih serta merancakkan semula ekonomi tempatan melalui penganjuran program seumpama ini pastinya amat dinanti-nantikan oleh para usahawan terlibat," katanya.

Beliau ditemui pada sidang akhbar yang turut dihadiri oleh Pengarah FAMA negeri, Mohd. Azraie Ramli di Butterworth, di sini semalam.

Seramai 130 usahawan tani dengan sebahagian besarnya merupakan usahawan tempatan dari negeri ini diberi ruang untuk memasarkan hasil pertanian mereka dengan 11 kluster serta 84 lot usahawan disediakan untuk tujuan itu.



09 JUN, 2022

Penang Fama Fest 2022 sasar jualan RM500,000

Kosmo, Malaysia

Page 2 of 2

SUMMARIES

SEBERANG PERAI - Lembaga Pemasaran Pertanian Persekutuan (FAMA) menasarkankan nilai jualan sehingga RM500.000 untuk program Fiesta Makanan, Bunga dan Buah (FAMA Fest) 2022 yang akan berlangsung lima hari bermula 22 Jun ini. Timbalan Ketua Pengarah FAMA, Datuk Mohamad Mustahapa Awang berkata, pada masa sama pihaknya yakin karnival yang akan dilangsungkan di tapak parkir pasar raya Lotus's Seberang Jaya itu mampu menarik kehadiran sehingga 50,000 pengunjung.